

КОМИ КОМСОМОЛЕЦ

ЛӨСЬӨДЧЫНЫ УДЖАЛЫСЬ ЙӨЗ
ДЕПУТАТЪЯСЛӨН СӨВЕТЪЯСӨ
БОРЙЫСЬӨМЪЯС КЕЖЛӨ

Сөветскöй народ лөсьөдчö важнейшöй политическöй кампание кезлө. Тайö во помын кутас мунны уджалысь йөз депутатъяс-лөн местнöй Сöветъясö борйысьөмъяс. Уна миллион рабочöй, колхозник, интеллигент мунасны избирательнöй урнайс динö, медым государственнöй власть органъясö борйыны коммунизм делö вöсна медся преданнöй да медся достойнöй боецьясöс.

Социалистическöй демократизмөн волнуйтана демонстрацияөн лойсны СССР-са Вөрховнöй Сöветö да союзнöй да автономнöй республикаясса Вөрховнöй Сöветъясö борйысьөмъяс. Гордостён да радлунөн борйысьөмъясн участвуйтисны уна дас миллион уджалысь йөз, гордостён да радлунөн найö гөлсуйтисны коммунистъяслөн да беспартийнöйяслөн сталинскöй блок кандидатъяс вöсна.

Локтан борйысьөмъяс означайтöны социалистическöй демократизм водзö развивайтöмын виль ыджыд шаг, найö завершайтöны Сталинскöй Конституция серти государственнöй властиысь став органъяс перестроитöм.

Борйысьөмъяс уджалысь йөзсö нöшта топыда йитасны большевистскöй партия гөгөр, нöшта ёна отсаласны народлысь морально-политическöй öтувъялун ёнмөдöмлы, Коймөд Сталинскöй Пятилетка победа вöсна сылөн самоотверженнöй тышкасьны дасълуны.

Уджалысь йөз депутатъяслөн Сöветъясö борйысьөмъяс кузя избирательнöй кампание лөб исключительнö грандиознöйөн. Тирымён висътавын, мый сöмын РСФСР-ын избирательнöй комиссиясы шленъяслөн лыд лоас нель миллионысь не этшаджык.

РСФСР Вөрховнöй Сöветлөн Мөдөд Сессия вынсьөдис уджалысь йөз депутатъяс Сöветъясö борйысьөмъяс нүдөм кузя Положение. Положениен ыджыд внимание торйөдсь избирательнöй кампание кезлө лөсьөдчөм вьлө, сы вьлө, медым нүдны сийөс збыль большевистскöй организованностьөн. Положение предусматривайтö избирательнöй комиссиясылысь некымын тип котыртöм. Краевöй да областнöй комиссиясылөн обязанность—следиты борйысьөмъяс йылысь Положение олмө пöртöм борся, видлавны да принимайтны граждана-лөн жалобаяс кузя решенияс, гөтöвитны избирательнöй бюллетеньяс, регистрируйтны депутатъ-

ясöс, кодъясöс борйöма Сöветö. Участковöй комиссияс принимайтö избирательнöй бюллетеньяс, арталö гөлсөяс, кодъясöс сетöма депутатö кандидат вöсна, составляйтö голдосование кузя протоколъяс.

Уджалысь йөз депутатъяслөн Сöвет—сийö хозяйственнöй да культурнöй строительство котыртысь, властлөн орган, кодi сулалö государственнöй порядок страж вылын, кодi стрöга следитö Сöветскöй странаысь законъяс соблюдайтöм вöсна да зоркöя видзö гражданаысь правояс. Сöвет—большевистскöй партияысь генеральнöй визь нүдөд.

Ыджыд почетнöй удж öнi сувтö комсомольскöй организациясы да комсомолецъяс водзын. Колö добитчыны, медым быд борйысьөмъяс бура тöдiс борйысьөмъяс йылысь Положение, медым сийö вöли дась чествөн пöртны олмө асыыс джуджыд гражданскöй долг. Колö öнi жö развернитны массаясын агитационнöй удж. Медым миян агитаторъяс, пропагандистъяс, миян комсомольскöй беседчикъяс, миян славнöй интеллигенция нуасны колхозникъяс да колхозницаыс пöвсö большевистскöй агитациялысь кыв.

СССР Вөрховнöй Сöветö да РСФСР-са да Коми АССР-са Вөрховнöй Сöветъясö борйысьөмъяс дырйи лон шедöдöма агитация да пропаганда нүдөм кузя, массаясөн руководитöм кузя ыджыд опыт. Комсомолецъяс да несоюзнöй томйöз лыдысь быдмисны замечательнöй агитаторъяс, кодъяс имеитöны ыджыд опыт. Но боръя кадö тайö агитаторъяссылөн уджыс тöдчымөн слабмис сы вöсна, мый комсомольскöй организациясы, комсомольскöй руководителъяс агитационнöй удж кутисны артавын второстепеннöй делöн. Колö всемернöя используйтны воддза опытсö, паськөдны сийөс, тышкасьны народöс нöшта топыда öтүвтöм вöсна.

Локтан борйысьөмъясн главнöй—Сöветъясö борйыны народлысь медся бур представительясöс, социалистическöй отечествоса вернöй пиянөс, кодъяс беззаветнöя преданось партиялы, сылөн вождь да учитель Сталин ёртлы. Боръя воясö быдмисны вьль, том замечательнöй кадръяс. На вöсна—партийнöй да непартийнöй большевикъяс вöсна кутасны гөлсуйтны борйысьөмъяс

40 миллион ста-
бильнöй учебник

ЛЕНИНГРАД, 4 ТАСС). 15 Ленинградскöй типография да литография печатайтöны средней да начальнöй школаясса велөдчысьяслы стабильнöй учебникъяс. Ставсö Ленинград-ын таво лөб печатайтöма 40 миллион книга рөднöй кыв, СССР-са народъяслөн история, география, арифметика, химия, ботаника кузя.

Литература, кодi колö начальнöй школаяссы, лэдзöма нин, СССР-са народъяслөн история учебник кындзи. Печатайтöма да отгрузитöма нин учебникъяс Войвывса народъяслөн школаяссы ненецкöй, нанайскöй, мансийскöй да мукөд кывъяс вылын.

МӨД СЕССИЯ ЧЕСТЬ
КУЗЯ

Сыктывкар вөрзаводса рабочöйяс пöвсын паськалö Коми АССР Вөрховнöй Сöвет Мөд Сессия честь кузя социалистическöй ордйысьөм. М. Ветошкин да В. Коданевлөн ваысь керлэптысьяслөн бригадаяс сетисны кöсйысьөм асланыс сменаын лэптыны 7.000 кер. Öнi лунъя нормаяс найö выполняйтöны 180—200 процент вьлө.

Погрузка вылын уджалысьяс Л. Лобанов, А. Лобанова, К. Старцев, Е. Пономарева, А. Терехов, М. Ермаков, М. Мамонтова да П. Хлопин ёртъяс сменаын нормаяс тыртöны 220—260 процент вьлө. М. Юркин.

Ме дась дорйыны
рöдина

Ме ичөтсаян ёна радейтi лоны краснофлотецөн, морякөн. И öнi, кор меным тырис 20 арöс, менам эм сöмын öти кöсйöм: веськавы миян славнöй Краснöй Военно-Морскöй Флотö.

Таво ме сетi шыдчöм Фридрих Энгельс нима Ленинградскöй военно-политическöй школаö пырöм йылысь. Öнi ме лөсьөдча испытаниеыс сдайтöм кезлө. Öнi кезлө помалi нин роч кыв да математика повторитöм.

Ме флотö муна тырвйöй подготовленнöйөн. Боръя кадö сдайтi „Ворошиловскöй стрелок“ да ГТО значокъяс вьлө нормаяс. И ковмас кö делö вылын дорйыны асыыным социалистическöй рöдина, ме сета асыыным став вынъяс, кужöмлунъяс, а ковмас кö и олмөс великöй сöветскöй народлысь шуда, гажа олöм, социализм странаысь завоеваниеыс дорйöм вöсна.

М. АРТЕЕВ.



„ДОЖДЬ“ НА ХАСАНЕ

„Великая война на весь мир, японская военщина стала вымучиваться. Надо было идти вперед своей страной отчаянно. И вот в японских газетах уже стала писаться, что ее покинула бомба. Но она не имела только напуганно, в каком смысле идет речь. Остается на советской территории ее действительно бомбить, только танками, выжигая японскую военщину.“

Всё это и т.п. ПЕЧАТАЕТСЯ НА ТИП. СОВЕТСКОГО ВОЕН. ДОК. И Т.П.

СНИМОК ВЫЛЫН: Плакат художник Елисеяевлөн „Хасан дорын зёр“.

ГИЖСЯМ АСЬНЫМ, ДА ЧУКСАЛАМ СТАВ
КОЛХОЗНИКЪЯСÖС

МОСКВА, 5. Ставсоюзса сельскохозяйственнöй выставка вьлө Коми республикаса экскурсантъяслөн медводдза кык группаысь 26 колхозник да колхозница величайшöй удовлетворениеөн встретитисны Коймөд Пятилетка (мөд вося выпуск) заём лэдзöм да гижисны 4.100 шайт вьлө.

— Ми ас синмөн нöшта ад-

дзим да убедитчим, мый заёмъяс мунöны миян великöй социалистическöй рöдина водзö дзоридзалöм вьлө,—шудны колхозникъяс.—Ми шыдчам да чуксалам Коми АССР-са став колхозникъясöс активнöя участвуитны заём разöдöмын, мед заём вьлө гижсытöг эз коль ни öти колхозник.

Д. Зезегов.

ЗАЁМ ВЬЛӨ ПОДПИСКА МУНӨ ВОДЗӨ

Автогужтрест автобазаса шоферъяс, механикъяс да мукөд служащöйяс пöвсын водзö паськалö Коймөд Пятилетка Государственнöй Заём (мөд вося выпуск) вьлө гижсьöм.

Август 2 лунö подпискаөн шымыртöма вöли 56 мортöс. Август 3 лунö гижисны нöшта 3 морт 575 шайт

вьлө. Август 4 лунö заём вьлө гижисны 8 морт 400 шайт дон. Август 5 лунö подпискаөн шымыртöма 13 мортöс 2.000 шайт вьлө. Шофер Иван Ермолин гижис 500 шайт вьлө. Водзын гижсьöма сумма динö содтöдөн гижисны уна уджалысьяс.

С. КОЗЛОВ.

ГИЖИСНЫ 900 ШАЙТ ВЬЛӨ

Маслопромын Коймөд Пятилетка Государственнöй Заём вьлө (мөд вося выпуск) подписка мунис успешнöя, ыджыд кыпыдлунөн. Митинг вылын, кодi мунис август 2 лунö, выступайтысьяс ошкисны сöветскöй Правительстволысь мероприятиесö да шуисны öтсöгласөн гижсыны вьль

заём вьлө. Митинг бöрын Шубин ёрт гижис тöлысьяс оклад вьлө. Кобычев да Лятив ёртъяс гижисны 900 шайт вьлө. Ставсö подпискаөн Маслопром системаын уджалысь йөз наличнöй составысь лон шымыртöма 100 процент вьлө.

Кызродев.

Водзын коймод бригада

„Чарла мёлёт“ колхозын (Слэббда сикт, Сыктывдин район) торъя колхозникъяс турун идралан уджъяс вылын петкөдлөны образцовый примеръяс. Коймод бригадаса машинаон ытшыксысь Петр Прокопьевич Юркин лунся нормаяс тыртö 160-200 процент вылö, том ытшыксы Анатолий Васильевич Юркин лунся нормаяс тыртö 150 процент вылö. Первой бригадаса машинаон ытшыксысь Василий Степанович Коданев да Иван Андрианович Юркин шөркодьятшыкыны 5-6 гектарон морт вылö, нормаяс быд лун тыртöны 180 процент вылö.

Замечательной результатъяс сетö и кион ытшыксы Степан Павлович Камбалов (коймод бригада), кодi лунся нормасö тыртö 200 процент вылö. Первой бригадаыс кион ытшыксы нывбабаяс Татьяна Михайловна Коданева, Павла Михайловна Юркина, Анфиса Юркина, Августа Ивановна Коданева да мукöдъяс нормасö тыртöны пыр содтöдөн.

Турун идралом кузя „Чарла мёлёт“ колхозын медводзын мунö коймод бригада. Налон быдлун уджалоньы 45 морт да унджык. Тайö бригадаыс зорöдалома нин 181 додь турун. Бөрö кольчöны мөдöд да первой бригадаяс. Танi ужсö котыртама öнөдз на зэв омöля, трудовой дисциплина улын.

Ив. Коданев.

Нель значокон

Вотча сиктса „Водзö“ колхозыс призывникъяс Александр да Степан Пешкыяс славной Рабоче-Крестьянской Красной Армия радъясö призываютчиг келжö лöсьöдчöны бура. Налон эм нин 3 оборонной значокон. Öнi лöсьöдчöны сдایتны нормаяс ГТО значок вылö.

Бобков.

Колхоз „Водзö“, Сыктыв р-н.



СНИМОК ВЫЛЫН: Пуръясыс стахановец И. И. Пименов ёрт (Коковкин ёртлөн бригада, Максаковский запань). Пименов ёрт комсомолец. Лунъя нормаяс тыртö 150 процент вылö. Фото Ермолинлөн.

Гётöвитам Красной Армиялы виль достойной пополнение

Лоа кавалеристон

Вөвъясöс ме ичотысянь радейтлi. Ме кöть и том на, но пыр жö важон нин уджала аслам колхозной вөв вылын. Ытшка вөлөн, курта вөлөн, вунда бара жö вөлөн.

Ме чужлi 1918 воын Межадор сиктын. Шуда во меным воис. Таво ме кута призываютчыны Рабоче-Крестьянской Красной Армия радъясö. Дыр нин вичысы ме тайö шуда кадсö. Призыв келжö ме лöсьöдча бура. Сдایتi куим оборонной значок вылö нормаяс. Колхозын ме пользуйтча ыджыд авторитетон. Со öнi колхозса правление сетiс меным татшöм характеристика:

„Красной Партизан“ колхозса шлен Алексей Иванович Сыскин кол-

хозной да государственной уджъяс вылын аслас примернас петкөдлiс удж дiнö социалистической отношение. Колхозын сiйö являйтчö социалистической ордъясöм котыртысьон. Лоны Красной Армияса боедон тырвийö туйö. Колхозса председатель „Старцев“.

Красной Армияын ме кöсья лоны кавалеристон, лоны Ворошиловской всадникон. Велöдчыны Красной Армияын ме сiдз жö кöсья сöмын „отлично“ вылö.

Фашистской агрессоръяс гётöвитöны мян социалистической рöдина вылö виль война. Ме лоа дас дорйыны ассьым рöдинасö. Допризывник АЛЕКСЕЙ СЫСКИН.

Öти воын кык приплод

Кор ме мөдöдчи мунны Москваö Ставсоюзса сельскохозяйственной выставка вылö, менö коллялисны доръякаяс, скöтницаяс. Том доръяка Анна Габова меным тшöктiс:

— Тэ, Аниот, обязательно видзöдлы, кызди уджалö электродоильникыс. Локтан да висьталан...

Наказъяс меным сетiсны и мукöдъяс.

Со ме муна Москваö! Верми-ö мöй ме, прöстöй колхозница-скöтница, мөвпавны татшöм ыджыд честь йылысь? Но честной, добросовестной уджыд вöчö, вөлөм кö, ставсö. Оз весьшөрö шуны, мый мян странаын удж эм честь да доблесть делö.

Ыджыдвидз сиктса (Шойнаты район) „Красный Октябрь“ колхозса молочно-товарной фермаын уджавны ме заводитi колхоз котыртомсянь. Первой уджавны вöлi омöль: скöтной двор эз вөв. Öнi ми имейтам ассьыным виль двор, кöнi олö 158 лов скöт.

Скöтницаон ме уджала дасöд во. Менам дөзёор улын пыр вөлины 12-14 лов скöт. Уджалан кад чöж

менама эз вошлы ни öти юр. Быд во телятницаяслы сдایتа ён, здоровой кукъясöс. Со 1936 воын ме сдایتi 18 кукань. Таво, во заводитчöмсянь ме сдایتi нин 8 кукань.

Содiс мөсьяслөн удоинность. 1938 воын менам стадоса быд мөс шөркодья сетiс 1.250 литрөн. Торъя мөсьяс, кызди „Гёрд пель“, сетöны 13 литраон öти суткиын. Удоинность кыпöдм серти да приплод видзöм серти менам петкөдласъяс вылынöсьджык мукöд скöтницаяс серти, мый вöсна менö выдвинитiсны Ставсоюзса сельскохозяйственной выставка вылö участникон. Менам стадоыс уна мөсьяс öти воон сетöны кык приплодон.

Ме ёна радейта ассьым делö. Выставка вылысь ме кöсья аддзыны, кутшöм результатъяс шедöдисны мукöд колхозъяс, медым налысь опытö вайны менам колхозö да нöшта упорной заводитны тышкасыны социалистической животноводство кыпöдм вöсна.

Анна Габова,
колхозница-скöтница.

Кöсья лоны военной инженерон

Кутшöм советской том мортöс оз волнуйт желание получить военной специальность? Социалистической рöдинаын, виль шуда, дольд олөм кöсьö дорйыны быд советской том морт. Мян сьöдмъясыным öзйöны непримиримой ненавистьон став фашистской агрессоръяс дiнö, кодъяс кöсьöны уськөдчыны войнаон мян социалистической рöдина вылö.

Кольöм воын ме помалi Сыктывкарса строительной техникум. Партия да советской правительство сетiсны познълун меным, крестьянин пилы, лоны техник-строительон. Техникум помалөм бöрын ме уджалi гражданской строительство

вылын, уджалi Коми АССР-са Госпланын. Таво ме пыри Ленинской комсомол радъясö.

Ме ичотсянь мөвпавлi военной специальность получить йылысь. Ыджыд почет вöчавны виль сооружениеяс, культурной учрежденияяс, сiдз жö почетной лоны военной строительон, военной инженерон. Таво ме решитi мунны велöдчыны Жданов нима Военно-инженерной училищö. Тайö лунъясö кутасны мунны приёмочной испытаниеяс, кодъясöс, надейтча, сдایتа успешнöй.

Ме кöсья лоны военной инженер-строительон. Рабоче-Крестьянской Красной Армия радъясын, служитö менам вок, Александр. Öнi регыд сiйö локтас. Смена вылö сылы муна ме. Ме кута велöдчыны сöмын „хорошо“ да „отлично“ вылö, медым лоны мян рöдинаса достойной дорйысьысьон, командирон. Ме тöдä, мый менам мөвпъясöй збыльмасны.

Павел Кудинов,
комсомолец.
Сыктывкар.

Имеитны 3-4 значокон

Кулөмдин райцентрса допризывникъяс ыджыд кыпöдлунöн лöсьöдчöны мунны славной Рабоче-Крестьянской Красной Армия радъясö. Допризывникъяс М. Липин, С. Уляшев, И. Попов сдایتiсны нин „Ворошиловской стрелок значок“ вылö нормаяс. Öнi найö сдایتöны ГТО значок вылö нормаяс.

Допризывник Иван Лодыгин сдایتiс нель оборонной значокъяс вылö нормаяс. Куим значок вылö нормаяс сдایتiс и допризывник Дмитрий Гичев.

Есева.

Ыджыдджык внимание сельпояс уджлы

ВЛКСМ ЦК-лөн VIII пленум тшöктiс комсомольской организациясыл сетны ыджыд внимание торгуйтысь организациясыл, магазинъяслыс удж бурмөдөм вылö. Комсомольской организацияс долженöсь отсавны торгуйтысь организациясыл кадръяс бөрйöмын, тырмытöмторъяс выявляйтöмын да бырөдöмын, медым найö кутiсны збылысь бура обеспечивайтны населениельс потребностьяс.

Мян редакцияö вооны уна письмөяс сельпояслөн удж йылысь. Найö петкөдлöны, мый оз быдлаын комсомольской организацияс сетны колана внимание сельпояс уджлы.

Со Пустöшса (Сыктыв р.) сельпоын председателёв вöлi комсомолец Старцев, но сiйö удж бура пуктöм

вöсна тöждысьöм пыдди пыр сöмын юис, кисьтiс удж да сiйöс снимитiсны удж вылысь. Сэни жö вузасысьон уджалiс комсомолка Старцева. Сiйö вöчис ыджыд растрата. „Югыд туй“ колхозса комсомольской организация, кöнi сулалöны тайö комсомольцясыс, некутшöм внимание эз обратит найö поведение да удж вылö. Весиг сэки, кор снимитiсны удж вылысь Старцевöс сы йылысь эз сёрнитлыны комсомольской собрание вылын.

Либö босьтам сiйö жö Сыктыв районыс Чухломса сельпо. Сэни, кызди юортö мянлы юнкор Сельков, зэв омöля удовлетворяйтöны населениельс потребностьяс. Сельпоса веськөдлысьяс дзик оз тöждысьны колана товаръяс вайөм вöсна. И тайö фактыс дзик оз волнуйт тыдалö территориальной комсомольской организацияса комсомольцясöс. Найö миритчöны

сельпо уджын татшöм терпитны позьтöм положениекөд. А öд сельпоын весиг уджалöны и комсомолецъяс.

Нöшта на омөльджык положениельс Айкинаса сельпоын (Емдин район). Сэни лавкаын товар джаджъяс пöшти дзик кушöсь. Калинин ёрт мянлы гижö, мый Айкина сельпоса веськөдлысьяс дзик оз тöждысьны колана товаръяс вайөм вöсна. Лавка тырöма ныйтöн да бусон.

Комсомольской организацияс долженöсь интересуйтчыны и столовойяс уджон, предприятиеясын рабочöйясыл общественной питание котыртан вöпросъясон. Тайö делöбнэм на уна тырмытöмторъяс. Со Койгорт механизированной вöрпунктса Көм участокын, кызди мянлы гижöны, столовойын юралысь комсомолец Мелехин бур общественной питание вöсна тöждысьöм пыдди ёнджыка радейтö юны. Столовойын пöрадокъяс зэв омөльсö. Но комсомоль-

ской организация Мелехин уджон этша интересуйтчö.

Тайö примеръясыс висьталöны и сы йылысь, мый Емдин да Сыктыв райкомдъясса веськөдлысьяс этша мый вöчöны сы могысь, медым котырты комсомольцясöс торговой организациясылс удж бурмөдөм вылö. А öд та кузя вөлины не этша конкретной индöдъяс ВЛКСМ обкомлөн. Тыдалö найö омөля пöртсöвны олөмö.

Партия да правительство сетiсны да сетöны зэв ыджыд внимание советской торговля развивайтöмлы, торговой организацияс уджлы. Воысь-воö быдмө мян странаса уджалыс йöзлөн материальной да культурной уровень. Пыр водзö озырмө колхозной сикт. Торговой организациясыл предъявляйтöны пыр ыджыдджык да ыджыдджык требованиеяс. Налысь удж бурмөдöмын партийной да советской организациясыл медся ыджыд отсöг долженöсь сетны комсомольской организацияс.

ТАЙО ЛУНЪЯСЛОН ОЗ КУСЛЫ СЛАВА!

ХАСАН ТЫ ДОРСА СОБЫТИЕЯСЛЫ ВО ТЫРОМ КУЗЯ

ПОРОХ КУТАМ ВИДЗНЫ КОСОН

Во сайн Первой Отдельной Краснознаменной армии частыя Заозерная высота бердын жугодисны японской самурайясы, кодъяс лыстысны посягнитны миян границаяс неприкосновенность выло. Миян армия отлаин став Рабоче-Крестьянской Красной Армиякод да уна миллиона советской народкод август 6 лун пасй, кызд японской захватчикъяс жугодан лун, кодъяс наглоя вуджисны миян границаяс Хасан ты бердод. Август 6 лун—миян армейской праздник, быд здук миян готовность лон символ жугодны ставс, код мовпыштас вуджны миянлысь священный советской рубежъяс.

Толктон японской военщина во сайн решитис Хасан ты бердса ставлы тодса авантюра выло. Японской империалистической армиялысь медся бур частыясы воль шыбытма Заозерная высота босьтом выло. Медбур офицерской состав мунис найо водзылын.

Миян частыаслон первой жо лыйомъясон дзикодз жугали японской императорской армия „непобедимость“ йылысь теория.

Японской офицеръяслы потребуйтис вина, медым юктавы ассыныс салдатъяс да код юръясон шыбытны найос атакаб.

11 советской пограничник, кодъяс выло тодлытос уськодчисны 200 японец, ен пулеметной да артиллерийской бион поддержитомон, часысь дыр героическая отстаиватис Заозерная высота. Пограничникъяслон беспримерной героизм, кодъясос петкод-

лисны найо тайо лунас воль подкрепитма Заозерная высота бердо воом том лейтенант Левченко ерт рота мужеством да отвагаон. Тайо ротасы медводзын паськодис ассыс боевой операцияс японцыаслон лыд сертиас превосходящой вынъяс водзын. Японцыас эс выдержитны стремительной натиск. Высота воль босьтма миян.

Местностьлон своеобразной характер, Хасан ты боксян миян частыаслон наступлениелы код ена сьбыд воль, сетлис позялун японцыаслы предполагатны, мый Красной Армия оз воль найос Заозерная высота вылысь. Но наглоя захватчикъяслон тайо расчетъяс эс оправдайтчыны. Советской горд знамя август 6 лун прочной да пыр жежло сутшкома Заозерная высота вершина выло.

Во торидо миянос тайо боевой лунъяссыс. Кольом волысь итогыас вайодомон, ми дзоньнас сознайтам, мый порох колд видзны косон, сийон, мый любой кадо ми вермам лоны Хасанлысь урокъяс повторитны необходимость улын. Хасанской бойясын победа-яс эс кольмодны миянлысь юръяс. Ми упорной уджалам сы вылын, медым нощта выло кыподны боецъяслысь да командиръяслысь боевой да политической подготовка.

Ми готовось любой кадо вочавидзны двойной да тройной ударон война озтысьяс удар выло.

Полковник ХОТИМСКИЙ.

Первой Отдельной Краснознаменной Армии, август 5 лун.



СНИМОК ВЫЛЫН: Командиръяс-дальневосточникъяс сувтодны Заозерной высота выло горд флаг, кодос розьбодло пуляосон да граната осколочьяс.

Фото В. Теминлон (фотохроника ТАСС).

АТАКА ВОЛИ ВЕНОМА

...Ме—ручной пулеметчик. Вражеской наблюдательос аддзомон да та йылысь доложитомон, получити приказ востны враг кузя би. Дистанция определитомон цель сувтодомон, востлилойм тайо наблюдатель кузяыс. Виччысьтог веты-

мын гогор японец вочисны перебежка да заводитисны лыйлыны миянос.

Лейтенант Ратников шыбытчис пулеметон водзо, и ми одид вольм японцыасос, офицерской обмундирование мырддомон.

А. ОРЕШКИН,
комсомолец-пограничник.

КОМСОМОЛЕЦЪЯС, ВОДЗО!

Командир взвода Попов гусьон шуис боец Иван Гринюкы:

— Пырысь пыр мунам атакаб. Вистав водзо.

Гринюк команда передайтис цеп кузя.

— Комсомолецъяс, водзо!—гордос, окопысь чечыштмомон, Попов.

Гринюк сьмын бой водзын сетис комсомоло примитом йылысь шыодчом. Шыодчом эс на вевъяны разберитны, но Гринюк лыддис асьос комсомолоцон нин. Сийо котортис отлаин Поповкод. Став взводыс шыбытчис японской траншеяс дорд.

Югнитисны плоской, кыдзи кинжалъяс, японцыаслон штыкъяс. Гринюк уськодис воддза мортс, шедодис штык, кучкис прикладон нощта отис. Кыкнаныс ворзытог куйлисны сийо кок улын. Пель бердас кылис пистолетной выстрел. Гринюк кылис борсяныс чорыд кучком да уси. Кысыс визувтис вир.

Бият шедодомон, сийо корталис жугалом кисо.

Друг сийо аддзис, мый командир бердын взорвитчис граната. Попов уси изъяс выло. Гринюк шыбытчис сы дин. Командирлон гимнастерка моросыс сьбодасьома вирысь. Попов видзодлис Гринюк выло, нуммунис синъяснас.

— Прощай,—одва шуис сийо,—примит взвод.

Гринюк синъяссыс чепосйис синва.

— Мун вай,—стрюга шуис Попов да кулис спокойной, ойзытог.

— Взвод ме борся!—гордос Гринюк.

Сийос оз позь воль тодны. Джуджыд, паськыд пельпомъяс, винтовкаон, кодос сийо кыподис выло юр вылас, сийо отлаин взводыс код котортис сопка вершина выло. Японцыас пышъялисны, исковтисны скат кузя увлаи.

Гринюкы кажитчис, мый тадзи сийо вермис эськон помысь помд мунны став

мусо, сыын воль симында радейтом народ дин, родина дин да симында ненависть сыын воль враг дин. Но сийо, сьбодомс кутомон, сувтис сэтчо, кони помасис советской мулон пом, водис окоп, кодос воль эновтома японцыасон, да чукортис взвод.

— Ми татысь ог мунд,—дженьыдика шуис сийо.

Гымалясь танк стремительной мунд водзо. Сы водзын повзьомысь вежиньтчом чужомъясон пышйоны японцыас. Некумын пов тайо танкыс, кодон командуйто орденосец-комсомолец Корнеев, врывайтчылис противник расположений. Каждой шаг вылын машина жугодлис врагос.

Друг танк сувтис. Сийос жугодлома.

Тайо неуца подбодритис японцыасос, да найо трусливой заводитисны уйны сувтом машина дин. Найо решитисны, мый танклон экипаж водзо абу боеспособной.

Но подлой захватчикъяс шыбытчисны! Машина жугалом, но непоколебимой

йон колис ленинской комсомолон верной пи Корнеев. Сийо мужественной киськало бион врагъясос водзо.

Подразделенияса командир, аддзомон, мый обнаглевшой враг наседайто, героической экипаж дорыстис разведчикос танк эновтны приказон.

Корнеев хладнокровной вочавидзис:

— Ме сэтчодз ог эновт машина, кытчодз оз бырны став боеприпасъяс.

Заозерная высота дзикодз тупкысьома сьод тшынон. Муыс дрозжито взрывъяссыс: японцыасос атакуйтисны горд звездаяса стальной лэбачъяс.

Нощта эс на помасысь бомбежка, а высота дорд мсдодчисны нин танкъяс.

— Водзо!—сетчысьома команда.

Наступайтысь красной боецъяс повсын которт том красноармеец Кравцов. Водзын Хасан ты. Сийо направлении лань колд котортны метра 500. Противник востис наступайтысьяс кузя артиллерийской да пулеметной би. Гылаоны

виомъяс да ранитчомъяс. Сьбодом нощта энджыка одийо враг дин ненавистьон. Одийонджык эськон воны вражеской укрепленияс бердодз! Грбмитны, нойтны да кучкавы врагъясос.

Ротаса командир приказ серти Кравцов варччо ты векнид юконд да уйо берег кузя.

Шуйга вылын гримго противниклон пулемет. Кравцов пулеметчикос босьто мушка выло. Пулемет човусьо. Борас некумын минут Кравцов охотитчо японской снайпер борся. Регыд и сийо эс ло.

Бой мунис нель час гогор, да боецъяс занимайтны противниклысь окопыс.

Лыйомъяс шыын сьодз вооны горддомъяс:

— Мед олас Ленинской комсомол! Комсомолецъяс, водзо!

И Кравцов инстинктивной зильо кыподчыны, но борусь да вошто садьос! Сийо садь вылас воис сьмын лазаретын нин.

Враг кузя—би!

... Заозерной сопка гымалис орудиеас шыон, пулеметъяс сьргомон, гранатаас орласьомон. Самурайяс бешенной лыйлисны советской позицияс, а борас шыбытчисны атакаб. Найо котортисны винтовкаосон водзын, яра горздомон:

— Банзай!

Капитан Куценко самолет веськодис атакаб. Истребительас бойо мунисны разной угольясон, разной бокъяссян да разной джуджтасянь. Но воис сийо моментыс, кор найо отпыйдон, асланыс губительной би став вынъясон уськодчисны вражеской цепъяс выло.

Пулеметъяс дейстуйтисны безотказной. Свинцовый шквал кучкис бандитъяс кузя. Дзоньон кольысьяс уйомон зильлисны дзевсыны окопыс, но и сетысь сьнодыввса снайперъяслон меткой би аддзис найос.

Японской зенитной артиллерия нудос усиленной би. Пощи самолетъяс бердын тыдалисны разрывъяссыс тшыньяс, но миян летчикъяс пыр кольлисны недосагаемойон. Капитан Куценколон машина—тайо разрывъяс шбрас. Сийо внимательной следито противник снарядъяслон вспышкаяс борся. И друг, пламя югнитом кузя враглысь точка аддзомон, модис атакаб.

И сьодз кытчодз самурайяс вевъялисны мовпыштны мыйын делбис, Куценко „киськалис“ нин найос свинцовый зэрон аслас пулеметъяссыс. Японской орудие, прислуга воштомон, човусис.

Заозерная высота штурмуйтөм

Заозерной высота смутная тыдаліс туманын. Неважон на веж, сопкалөн склоняе лосны съддось, кыдзи шом. Ставсё найбс вёлі вундалома окопясон, джуджыд рёвясон да противотанковий гуясон. Окопяс вылын, кыдзи гырысь тшакьяс, кыптисны блиндажяс векнид амбразура-ошиньясон пулеметьяслы да винтовкаяслы. Каменной гряда костьясын поздысисны пушкаяс. Ключой проволокалөн нель ряд тупкисны ты да граница костод ичотик му визь. Тайо дзик оти туй, кыти сопка бердо вермисны матыстчыны советской войска. Сопка дорё мёд туй эз вёв—фронтянь куйліс ты. А японской пушкаяс да пулеметьяс кыстисны тайо проходсё перекрестной би лавинаон. Японской генеральяс сопка лыддысны недоступной крепостью.

Красной войска решитисны сопка босытны штурмон...

Август 6 лун асылын зерны дугдис. Пёльтыштис свежий төв. Море боксянь тыдовтчис кельыд-лөз небеса. Ты дзирдаліс шонді водзын. Туман надзёниксылыс вылын. Тыдовтчис и сопка. Луншөр жежло медбөрья дзор торпыригьяс кымөрлөн торйодчисны блиндажясысь.

И вот сәки кутис мургыны сындо. Первой лөня, ньожмыник переливьясон, бөрас ёнджыка, паскыд раскатьясон. Ылын дзирдовтисны стальной лэбачьяс. Съкыд бомбовозьяс лэбисны сопка выло боевой стройон. Дас, кызь, комыны нелямын—уна грозной машина. Шонді дзирдаліс найо бордыас вылын. Самолетьяс матыстчисны грозной одон, сындо ойкнитис моторьяс шысы.

Сопка вылын кыптисны бияс. Тайо миян самолётьяс кузя лыисны японской зенитной орудиеас. Ты весь тын вылын озыисны съд тшынторяс. И пошти сийо жо кадас сопка вылын друг кыптис ыджын би столб. Тайо головной бомбовозысь шыбытис первой бомба летной подразделеняса комиссар Матвей Злой.

И сийо жо кадас советской батареяс сетисны первой залпьяс.

Муыс дрогмуні съкыд, раскатиной шысы. Пыр озыисны паскыд би столбьяс. Страшной вынён вывлань шыбытом изьяс, скала глыбаяс, японской пушкаяслөн да блиндажяслөн торпыригьяс гымаломон гылалисны склоняе выло.

Сопкасё вевтис тшын. А сопка вивса кельыд-лөз сындын японской зениткаяслөн снарядьяс взрывьясысь артмом уна съд тшынторяс пөвсод ветлисны миян бомбардировщикьяс. То найо кыдзытло здук жежло кынымылисны сындын, то

вешылисны бокдо, резкья бергодчалисны да выльпөв мунисны сопка выло суровой боевой стройын.

Оти бөрся мёд чөвусялисны японской батареяс, жежоджыка тыдалисны скалаяс костын японской зениткаяслөн би кывьяс.

Бомбардировщикьяс вешыисны. Вылысянь, кыдзи варышьяс, улө сопка выло лэччисны скоростной истребительяс. Озыом блиндажясысь чечышталисны японцяс. Растеряйтчөмон, найо котралисны сопка выло дзебсянин корсьомон. Канонада шы улын оз вөлі кыв, кыдз сындын сяркөдисны пулеметьяс. Самурайяс гылалисны, быгласисны да ланьталисны сопка склоняе вылын. То самой му бердо лэччөмон, то выло качөдчөмон, истребительяс корсялисны дзоньон кольом вражеской батарееяс да лыйлисны найос пулеметьясысь.

Истребительяссысь оти друг лон съд тшынторяслөн сплошной кытшын. Снарядьяс взрываютчисны матын — веськыдланьын, шуйгаланьын, водзын, бөрын. Самолётсё нудис лейтенант Иван Кукин.

Мичаа видзөдлөмон, сийо оти кольом блиндажысь адзис би кывьяс.

Тасянь и лыйлисны японцяс сы самолёт кузя. Дзонь батарея! Кукин стремительной пикируйтис, и эз вевьявны самурайяс перезарядитны орудиеас, кыдзи найос суисны пуляс. Став равнинаыс воис движение. Самурайяс, кыдзи лудикьяс тшелын, пыралисны блиндажө.

Кукин лэччис сэтшөм улө, мый вермис адззыны офицерьяслысь дзирдалан погоньяс.

Минут мысти расселинаын тыдалисны сомын му вылын нюжмунөм телдяс.

Кытшлалөмон, Кукиналөн самолёт кыпөдчис вывлань, и друг японцяс адззисны, кыдз самолётсё шыбытис сындо, сийо катовтчис оти борд вылас, мыйкө бара сийос тойыштис, да сийо кутис усыны. Самурайяс горөдисны удовольствиесы: уськөдисны жо самолётсё. Радуйтчан горөдөмьясон найо котөртисны увлань, сэтчө, кытчө вөлі усьо самолёт. Кукин адззис, кыдз врагьяс киясын дзирдалисны клинокьяс.

Мукөдыас ноксисны кузь снарядьясон зенитка бердын. Кукиналөн хитрость удайччис: кор самолёт вөлі улын нин му бердын, сийо резкья петкөдис сийос „мертвой“ положениеысь, стремительной босытис высота да вылысь уськөдчис увлань. Секунд мысти уджаліс нин сылөн пулеметис. Ставыс тайо лосис сэтшөм одйө, мый японцяс эз вевьявны весиг опомнитчыны. Некод на пиысь эз во блиндажө.

Канонада эз чөвуськөдчы. Съкыд японской орудиеас нөшта көдзисны снарядьясон сопка бердса подступ-

яс. На кузя дугдывтөм лыйлисны советской батарееяс.

Сындын бара тыдовтчисны грозной бомбардировщикьяс. Сопка бара вөрзис толчокьясысь, ты озыис горд рөмон, да черияс кыптисны ва выло. Пемыд-горд столбьясын, коді торйөдис сопкасё кык пельо, лыбисны из да му, пушкаяслөн көлесаыс да ствольяс. Сэсся грозной би лава лэччис му выло, да муыс озыис. Тайо авиабомбасьясысь оти кучкис боеприпасьяс тыра вражеской склад кузя.

Сэк прикрытияеяс сайысь штурм выло петисны советской танкьяс. Ложбинкаясөд вырайтөмон, увальяс выло крутой кыпөдчөмон, бросокөн снарядьясон вөчөм джуджыд гуас ордөдөмон, танкьяс грозной матыстчисны сопка бердо. Японцяс танкьяс кузя восьтисны би пушкасысь. Но танкьяс мунисны и мунисны би пыр, взрывьяслөн би столбьяс пыр. А танкьяс бөрын, штыкьясон дзирдалөмон, штурм выло кыпөдчис славной советской пехота.

Орласис танкьяс улын проволока, водисны ключой проволокалөн и первой, и мёд, и коймёд, и нельөд радьяс, да танкьяс пырисны вражеской расположениө. Чөвусис сындо, дугдисны лыйлыны съкыд советской батарееяс. Кутисны сёрнитны танковой пушкаяс.

Шонді заводитис нин сайсыны. Рытъя вуджөрьяс водисны ты выло. Резкөдыка склоняе вылын кутисны төдчыны кыптөм мулөн кымөрьяс, пөжарьяслөн бияс да бийн югдөдөм грозной советской танкьяс. Найо кыпөдчисны пыр выло да выло. А сопка подножье бердын, тысянь границаөдз став пространство пасьята гымалис унагөлдөса „ура!“.

— Мед олас социалистической рөдина! Мед олас Сталин ёрт!

Кор пырис шонді, сопка вылын гордөя дөлалисны горд знамяяс.

А. Молчанов.

Рубежьяс сайын

* Испаниясынь юбрьяс серти, фалангистьяс да монархистьяс костын распоряжис ёсьомыны. Неважон Памилон карын лосис лыйсьомьяс фалангистьяс да монархистьяс костын. Виөма 14 мортөс. Татшөм столкновениеыс вөліны и Бильбаоын.

* Август 3 лунө Шпандаю-вест вокзал дорын матын (Берлин) лосис ыджыд железнодорожной катастрофа. Скорой поезд, коді муніс Бременсянь Берлино зурасис окружной көрттуйса пассажирской поездкөд. Эм уна съкыда ранитчөмьяс.



СНИМОК ВЫЛЫН: Тентюковса пионерской лагерын шойчысь пионерка Жёня Грекулова лэдзө стенной газет. Сылы отсалө медработница К. Дикоева ёрт.

Фото Ермолинлөн.

КИТАЙЫН ВОЕННОЙ ДЕЙСТВИЕЯС

Центральной Китайын. Цзянси провинция войвыв юкөнсә фронт вылын июль 27 да 31 луньясө японцяс Наньчансянь асыв-луныв районын применитисны кыкысь отравляющей веществояс. Танкьяс прикрытияеяс улын японцяс зильлисны наступайтны китаецяслөн позицияс выло, но китаецяс упорной водзасьом вөсна налы лосис бөрынтычыны.

Луныв Китайын. Июль 30 лунө японской частьяс-лы удайтчис артиллерия да авиация отсөгөн пробитчыны Ванмун ю вылын (Кантонсянь лунвылын) заграждениеас пыр да заставитны китаецясөс бөрынтычыны. Чжуншань районын август 2 лунө, китайской войска, подкрепление получитөмон, бөрынтысны японской десант, коді муніс бөр военной корабляс выло.

Китайской партизаньяс водзө жугөдлөны Кантон—Самшуй кост көрттуй. Луньяс сайын партизаньяс лэдзисны откос улө япон-

ской воинской поезд Самшуйсянь неылын.

Войвыв Китайын. Шаньси провинция асыв-луныв юкөнын японской частьяс-лысь общий наступление көть и сувтөдөма, но фронтлөн торья участокьяс вылын бойас мунөны водзө.

Июль 28 лунө японцяс, ыджыд подкрепление получитөмон босытисны Лученц (Гаонинсянь асыв-войвылын) Гаонинсянь асыв-вылын китайской войска вөтлисны японцясөс Фученысь.

* * *

Август 2 лунө 6 японской самолёт бомбитисны Наньнинь (Гуанси).

Август 3 лун выло войын 18 японской бомбардировщик уськөдчылисны Чунцин выло. Китайской истребительяс найос заставитисны мунны бөр.

Июль 28 лунө китайской бомбардировщикьяслөн эскадрилья успешной бомбардируйтис японской военной объектьяс Сицзянь ю дельтаса дяс вылысь.

Германской укреплениеас Польша граница вылын

ЛОНДОН, 4. (ТАСС). Газета „Дейли телеграф энд Морнинг пост“ юөртө, мый Германия стрөитө укреплениеас Польша став граница пөлөн. Дзик граница дорын нудөма 12 фут судта проволокой заграждениеас. Границасьянь 5 миля сайын принудительной вербуйтөм рабо-

чөйяс стрөитөны казармаяс. Сидз шусысь „Таможенный бюрояслөн“ откымын постройкаяс збыль вылас являйтчөны укрепленной пулеметной позьясон. Зэв уна танк, кодьяс маскируйтөм могысь краситөма пемыд турун виж рөмон, войясө вуджөдсьомы Словакияө.

ИТАЛЬЯНСКОЙ ФЛОТЛӨН ДА АРМИЯЛӨН МАНЕВРЬЯС

РИМ, 2. (ТАСС). Июль 24 лунсянь 30 лунөдз итальянской флот полной составын гидроавиациякөд отлаын нудөдис маневрьяс Средиземной мореын. Тайо маневрьяс вылын присутствуйтисны германской да испанской военной представительяс. Талун заводит-

чөны итальянской войскалөн ыджыд сухопутной маневрьяс. По ю йывьясынь, французской граница бердын матын.

Ответственный редактор
И. Г. УЛЬЯНОВ.

Адрес редакции: г. Сыктывкар, Дом печати, 1-й этаж, комната № 17, редакция газеты „Коми комсомолец“. Телефон: 5—01. Подписная плата: на 1 год—18 руб., на 6 мес.—9 руб., на 3 мес.—4 руб. 50 коп., на один мес.—1 руб. 50 коп.